



[1577]

1577 08
12917-

935

EDENBURGVM.



EDENBURGVM, Regia & metropolitana in Scotia vrbs, Alata castra vocant, à Cruthneo Scotorū Rege condita, & prima uia institutione Agueda, posteriore autem ætate ab Etho, Pictorum Rege, Ethinburgum cognominata, in Landonia, præcipua Scotiæ Prouincia sita. Forthea amne alluitur, excipit; ab eiusdem nominis æstuario nauigia ab orientali Oceano, in frequentissimum portum, vix mille passibus ab vrbe distantem, vbi Hæmonia est insula, hodie columba dicta, vltra Fortheam, in cuius ostio Castellum Dunbar conspicitur. Habet autem vrbs ipsa Edenburgum duos montes ad Orientem, Australior, Cathedra Arthmi, & qui Aquilonem respicit, Collis apri nuncupatur. Ager vndique fertilissimus est, amœna prata, syluulæ, lacus, riuuli, arces vltra centum per circuitum vrbs, intra vnum miliare Germanicum. Ad Septentrionem interuallo Italici miliarij, est brachium maris, iuxta quod situm est opidum Letha, in cuius medio constructa est porticus, in qua simul videre licet centum magnas onerarias naues. Habet brachium maris, ibi ad aquilonem in latitudine septem miliaria. Porro Edenburgum in monte, in litar Pragæ sita, habet in longitudine miliare Italicum, in latitudine dimidium. Longitudo accipitur ab Occidente in Orientem. Ab Occidente: vrbs, assurgit mons, & alta rupes, atq; arx in rupe, natura loci munitissima, sub qua, vndique est profunda vallis, nisi ea parte, qua respicit vrbeni. quare arx omnino est inexpugnabilis, cum aditu sit omnium difficillimo, (licet quandoque, sed mirabili prorsus stratagemate, sit expugnata, vti Index latius commemorabit) nec quisquam ad eam scandere posset, qualibet eunquæ etiam scalis, tam præceps & dura est petra, in qua vultu res nidificant. Quarum auium nidos deprædantur iuuenes audaciores, ex arce in sportis demissi. Hæc arx, occidentalem vrbs partem claudens, Puellarum castrum vocatur, quod illic Regiæ, Pictorumq; virgines insigniores, manuarijs artibus discendis, ad nubilem vsq; ætatem, vt tum fiebat, addictæ, arcæ custodia seruabantur. Cæterum ad Orientem vrbs est augustissimum monasterium S. Crucis, habens annexum palatium Regis, & amœnissimos hortos, quos claudit lacus ad fundum montis, Cathedra Arthmi. In hoc monte inueniuntur pretiosi lapides, clara die radiantes, adamantes præcipuè. In vrbe sunt duæ magnæ viæ, ab arce puellarum, vsque ad monasterium, & regium palatium, lapidibus quadris strata, præsertim regia via. Est suburbium ad Occidentem, dimidio miliari longum, vocaturq; via S. Cuthberti. Sunt in vrbe multa Monasteria, & templa, præsertim Franciscani, Dominicani, Ecclesia Mariæ de Campo, Collegium Sacerdotum: Scaliud Collegium Trinitatis, Hospitale D. Thomæ. Vrbs ipsa, non est constructa ex coctis, sed naturalibus & quadris lapidibus, vt etiam singulæ ædes possint magnis palatijs comparari. In medio vrbs est Capitolium, & Ecclesia collegiata sancti Egidij. Habent Episcopi, Duces, Comites, Barones & Procures totius regni, in ipsa vrbe sua palatia, quando ad Comitata vocantur. Est Palatium Regis, positum supra Monasterium amplissimum & superbissimum, à quo, vsque ad arcem puellarum extenditur perpetua quædam platea, vicus Regius, dicta, sed, quæ prope arcem puellarum latior, prope Monasterium autem angustior est, atq; hæc regia via insignes habet ex vtraq; parte ædes, potioresq; polito ex lapide constructas. Porro, alia oblonga via, quæ vicus Canoniorum vocatur, angustior est, teiungiturq; à Regio vico, muro, porta, ac turribus, atq; pro suburbio reputatur. A regia via inter austrum & boream, infiniti extenduntur viculi, qui omnes excelsis ædibus sunt ornati, quemadmodum & vaccarum via, in qua patritiorum, & senatorum vrbs, habitationes; principum ac regni palatia, vbi nihil humile, sed cuncta videntur magnifica. Inter maiores Edenburgi Ecclesias, post insignem Monasterij Basilicam, Collegiata sancti Egidij Ecclesia, primum sibi vendicat meritò locum, in medio Regiæ viæ constructa. Deinde in vico, qui Edenburgum à via Canoniorum & suburbio diuidit, Ecclesia est celeberrima, Collegium reginæ intra muros. Item inter Monasteria Franciscanorum & Prædicatorum, sita est Ecclesia Mariæ de Campo, vbi sacerdotum etiam est Collegium.

Et sub rupe demum arcis puellarum noua S. Cuthberti Parochia est sita.